

Reina Beatrix ta firma Decreto Real pa Status Aparte awe



ORANJESTAD(AAN)—Awe na Hulanda Reina Beatrix lo firma e decreto real den cual Status Aparte di Aruba ta decreta pa drenta na vigor dia prome di Januari 1986. Ayera Comision permanente di parlamento Hulandes a reuni encunto esaki y tabata e partido PVDA so cu no kier a duna un opinion final te ora cu tin mas claridad ariba cuestionnan cu mes- ter wordo atendi ainda, segun e partido. Mayoria di Parlamento di Hulan-

da y di e Comision Permanente pa Asuntonan Antillano ta tras di Status Aparte apesar cu ainda no ta tur e trabaoan pa esaki ta cla, pero cu fir- mamento di e decreto Real aki, por bisa cu practicamente Status Aparte di Aruba a ser realiza. E firmamento di awe ta algo historico pa tanto Hu- landa, Antillas, y especialmente pa Aruba.

BEPDAJ NUNCA A PER-
JUDICA NINGUN HENDE
NINGUN CAUSA NI NIN-
GUN NACION

DIARIO

DI ARUBA

Bo Matutino
Netamente Arubiano

DIAVIERN 30 AUGUSTUS 1985 AÑA 4, No. 1410

Infeccion constata cerca Betico Croes despues di chequeo di sanger



Ayera merdia Sr. Betico Croes a viaja pa Miami pa wordo interna den Jackson Memorial hospital, unda el a ser trata despues di a ser herida pa bala di un pistool dos aña y pico pasa.. El a ser acompaña pa Dr. Engelbrecht kende a tuma contacto cu e hospital di Miami cu a conseha pa sr. Betico Croes viaha pa Miami mes ora. Esaki ta momento cu e ta bayendo direccion di avion pa e viaje.

Suriname a deporta sacerdote hulandes

PARAMARIBO: Ayera Suriname a deporta un sacerdote hulandes, M. Noordermeer, kende lo a haci su mes culpabel na violacion di ley penal. Desi Bouterse a informa esaki ayera, y a bisa cu e sacerdote a haci su mes culpabel na expresionnan cu ta conduci na persecucion penal severo y cu tin suficiente indicacion pa detene e sacerdote tambe.

E procurador General sinembargo a dicidi di no bay over na persecucion di e sacerdote pero a duna ordo pa deporte for di Suriname.

Durante un discurso cu el a tene ayera den reunion di movimiento 25 di februari Desi Bouterse a bisa cu awe e sacerdote lo ser poni ariba avion di KLM pa schiphol pa motibo di actividad peligroso contra estado cu e sacerdote a haye envolvi aden.

El a laga sa cu ariba e mes base aki anteriormente Cubanonan y hulandesnan a ser saca for di Suriname caba.

El a laga sa cu actividadnan di e sacerdote ta parti di e escenario cu ta ser skirbi na Hulanda.

Charo Kelly a relata di clashnan cu sr. Betico Croes relaciona cu proyectonan privilegia

Muher asalta den su cas y mara cu waya di corriente